



SAKSPAPIR

Saksnr	Utval	Type	Dato
10/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-231	21/508

LØYVING AV BYGDEUTVIKLINGSMIDLAR TIL BYGGING AV TRETILT VED SKARVAVATNET I BERGSDALSFJELLA

Vedlegg:

Søknad om bygdeutviklingsmidlar - Bygging av tretelt ved Skarvavatnet
167133537_972579959947090_4486521726846179610_n

Kommunedirektøren sitt framlegg til vedtak:

Bygdeutviklingsutvalet i Vaksdal kommune løyver inntil kr. 15 000,- i bygdeutviklingsmidlar til Bergsdalen bygdela, org. nummer 923640231, for oppføring av to stykk tretelt ved Skarvavatnet i Bergsdalsfjella.

Løyvinga utgjer 34 % av «godkjend kostnad» på kr. 43 500,- (øvre ramme). Utbetaling vert gjort ut frå dokumenterte utgifter innanfor kostnadsramma, og er knytt til innkjøp/bruk av material (kr. 30 000,-) og eige arbeid (kr. 13 500,-).

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR for tildeling:

- Før gjennomføring og utbetaling må søker avklare om det er knytt søknadsplikt til tiltaket, eller ikkje. Ved søknadsplikt må vedtak om løyve til oppføring liggje føre.
- Grunneigarane må gje løyve til oppføring.

Tilskotet kan (del)utbetalast i førekant av gjennomføring, etter førespurnad.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert midlane trekt attende.

Bygdeutviklingsutvalet - Sak 10/2021

BYG - Behandling:

Utvalet drøfta saka.

Kommunedirektøren sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet i Vaksdal kommune løyver inntil kr. 15 000,- i bygdeutviklingsmidlar til Bergsdalen bygdelag, org. nummer 923640231, for oppføring av to stykk tretelt ved Skarvavatnet i Bergsdalsfjella.

Løyvinga utgjer 34 % av «godkjend kostnad» på kr. 43 500,- (øvre ramme). Utbetaling vert gjort ut frå dokumenterte utgifter innanfor kostnadsramma, og er knytt til innkjøp/bruk av material (kr. 30 000,-) og eige arbeid (kr. 13 500,-).

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR for tildelinga:

- Før gjennomføring og utbetaling må søkjar avklare om det er knytt søknadsplikt til tiltaket, eller ikkje. Ved søknadsplikt må vedtak om løyve til oppføring liggje føre.
- Grunneigarane må gje løyve til oppføring.

Tilskotet kan (del)utbetalast i førekant av gjennomføring, etter førespurnad.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert midlane trekt attende.

Saksopplysningar

Samandrag/konklusjon (kort om saka):

Bygdeutviklingsutvalet har kr. 500 000,- i tilskotsmidlar til fordeling i 2021.

Bergsdalen ungdomslag søker om kr. 15 000,- i tilskot til å setje opp to stykk tretelt ved Skarvavatnet i Bergsdalsfjella. Føremålet er å fremje friluftslivtilbodet.

Kommunedirektøren finn at innhaldet i søknaden er i tråd med føremålet som bygdeutviklingsmidlane skal fremje, og går inn for løyving av kr. 15 000,- i tilskot, tilsvarende søknadsbeløpet. Tilskotet tek utgangspunkt i kr. 43 500,- som «godkjend kostnad», og utgjer 34 % av denne kostnaden.

Bakgrunn for saka:

Bygdeutviklingsutvalet har kr. 500 000,- i tilskotsmidlar til fordeling i 2021. Delar av midlane er nytta.

I søknad av 31.03.21, søker Bergsdalen bygdelag, v/ Anne Hilde Fosse Osvold, om kr. 15 000,- i bygdeutviklingsmidlar til bygging av to stykk tretelt ved Skarvavatnet i Bergsdalsfjella. Vatnet ligg 762 m.o.h, og om lag 1 time å gå frå Bergsdalen.

Tiltaket er kostnadsrekna til kr. 43 500,-, fordelt på følgjande utgifter:

- Innkjøp/bruk av materiell, à kr. 15 000,- : kr. 30 000,-
- Eige arbeid/eigeninntats, 45 timar, à kr. 300,-/time : kr. 13 500,-

Tilskotet det vert søkt om, utgjer 34 % av budsjettet kostnad. Eigenfinansieringa vert 66 %.

Søkar opplyser at Bergsdalen bygdelag er teken opp i «LivOGLyst»-programmet til Vestland fylkeskommune. I dette høvet har laget planar for tiltak og framdrift i prosjektperioden, med vekt på bulyst, samhald, trivnad, reiseliv og kultur. Initiativet for å setje opp tretelt inngår som del av dette.

Søkar skriv at Bergsdalsfjella, som følgje av sin flotte natur, er mykje nytta til friluftsliv, både av innbyggjarar og tilreisande. Mykje av trafikken er knytt til merka turstiar, og føremålet med tiltaket er å spreie «trafikken» og å leggje til rette for friluftsliv også i andre området, mellom anna knytt til jakt og fiske. Tiltaket er eit prøveprosjekt som ein vil vurdere resultatet av, før ei eventuell vidareføring/utvikling.

Dei trekanta tretelta det er planar om å setje opp, er 2 x 3,7 meter. Telta skal gje grunnlag for overnatting, med ly for vær og vind, og medverke til flotte naturopplevingar. Hyttene skal vere eigenproduserte, sjå vedlegg, og laget skal stå for vedlikehald og jamleg tilsyn.

Aktuelle grunneigar har gjeve samtykke til å setje opp tretelta.

Bygdelaget har tru på at tiltaket er eit «mjukt» prosjekt, som vil bli populært og verte til felles nytte.

I dette høve vonar søker på løyving av bygdeutviklingsmidlar til tiltaket.

Formelt grunnlag

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert vurdert under «*vurdering og konsekvensar*».

Vurdering og konsekvensar

Søknaden vert vurdert å vere i samsvar med retningslinene for tilskotsordninga sine krav til innhald og kven som kan søkje om midlar (mellom anna friviljuge lag/organisasjonar).

I følgje retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til

aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast stønad til kurs og kompetanseutvikling, men ikkje til drift.

Kommunedirektøren vurderer at planlagt tiltak vil kome fleire til nytte, og at ei etablering vil kunne leggje til rette for - og fremje - friluftsliv og naturopplevingar. Vurderinga er at planlagt aktivitet er i samsvar med føremålet som bygdeutviklingsmidlane skal fremje, og det synest naturleg å byrje «i det små», for å hauste erfaringar.

Med bakgrunn i søknaden vert «godkjend kostnad», som utgangspunkt for ei løyving, sett til kr. 43 500,-. Verdisetting av eigeninnsatsen til kr. 300,-/t, er innanfor ramma av kva kommunen godkjenner.

Retningslinene seier at det ved prioritering av søknadar, skal takast omsyn til geografisk spreiding og om bygder har fått tilskot ved tidlegare høve. Grendene i Bergsdalen har etter kva Kommunedirektøren kjenner til, ikkje fått tildelt bygdeutviklingsmidlar før, men til denne søknadsomgangen er det kome inn to søknadar frå dalføret. Dette har ikkje påverka innstillinga.

På bakgrunn av søknaden sitt innhald, kriteria for løyving av tilskot, tilgjengelege midlar og inntømte søknadar, går Kommunedirektøren inn for å løyve kr. 15 000,- i tilskot til oppføring av to tretelt ved Skarvavatnet i regi av Bergsdalen bygdelag. Løyvinga er i samsvar med beløpet det vert søkt om, og utgjer 34 % av «godkjent kostnad».

Føresetnaden for gjennomføring er avklaring om tiltaket er søknadspliktig etter plan- og bygningslova. Ved søknadsplikt må det liggje føre eit løyve til oppføring av tretelt, før utbetaling kan finne stad. Søkjar har ansvar for å avklare desse forholda med kommunen.